



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2005. GODINU **SOCIJALDEMOKRATSKE UNIJE BOSNE I HERCEGOVINE**

Broj: 09-07-6-919/07
Sarajevo, 24. maj 2007. godine

SADRŽAJ:

MIŠLJENE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	4
Predmet revizije	4
Cilj revizije.....	4
Obim revizije.....	4
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI	5
5.2. PREPORUKE.....	7

MIŠLJENJE REVIZORA

- 1.1. Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju finansijskih izvještaja za 2005. godinu **Socijaldemokratske unije Bosne i Hercegovine**. Revizija je ispitivala primjenu Zakona o finansiranju političkih stranaka od strane SDU BiH.
- 1.2. Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.
Naša odgovornost je da izrazimo mišljenje na osnovu revizije koju smo izvršili.
- 1.3. Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.
- 1.4. Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Utvdili smo da Socijaldemokratska unija Bosne i Hercegovine, u izvještajnom periodu nije postupila u skladu sa odredbama člana 8. i člana 11. stav 1, 3 i 4. Zakona o finansiranju političkih stranaka.

Prema našem mišljenju, osim navedenog, revidirani finansijski izvještaji ukazuju da je Socijaldemokratska unija Bosne i Hercegovine u 2005. godini postupala u skladu sa Zakonom o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila reviziju godišnjeg finansijskog izvještaja Socijaldemokratske unije Bosne i Hercegovine za 2005. godinu

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Socijaldemokratska unija Bosne i Hercegovine je iskazala prihode u iznosu od 92.761,52 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	36,00	0,04 %
3	Prilozi pravnih lica	2.180,00	2,35 %
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	90.139,06	97,17 %
8	Ostali prihodi	406,46	0,44 %
	Ukupni prihodi:	92.761,52	100,00%

U godišnjem finansijskom izvještaju Socijaldemokratska unija Bosne i Hercegovine je iskazala ukupne rashode u iznosu 126.832,82 KM.

2. PREDSTAVLJANJE POLITIČKE STRANKE

Naziv političke stranke: Socijaldemokratska unija Bosne i Hercegovine. Skraćeni naziv stranke je SDU BiH.

SDU BiH je registrovana 2003.godine kod Kantonalnog suda u Sarajevu pod brojem R-I-2/03, veza rješenje R-I-03/05 od 20.05.2005. godine.

Sjedište političke stranke je u Sarajevu, ulica Maršala Tita br. 5a.

Lice ovlašteno za zastupanje i predstavljanje stranke je predsjednik stranke Sejfudin Tokić. Za podnošenje finansijskih izvještaja za 2005. godinu bila je ovlaštena Agencija „RR“.

Organizacionu strukturu SDU BiH čine:

- Glavni odbor,
- 10 Kantonalnih odbora
- Odbor Brčko distrikt i
- 81 opštinski odbor¹

¹ SDU BiH je u godišnjem finansijskom izvještaju za 2005. godinu iskazala organizacionu strukturu koju čine Glavni odbor i 5 opštinskih odbora

3. OPIS REVIZIJE

Predmet revizije je godišnji finansijski izvještaj SDU BiH za 2005. godinu i to sljedećih organizacionih dijelova:

- Glavni odbor SDU BiH Sarajevo
- Opštinski odbor SDU BIH Stari grad Sarajevo
- Opštinski odbor SDU BIH Ilidža
- Opštinski odbor SDU BIH Konjic

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li je SDU BiH u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja SDU BiH obuhvata kontrolu dokumentacije političke stranke i provođenje analitičkih procedura na podacima iz finansijskog izvještaja radi utvrđivanja usklađenosti finansiranja političke stranke sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Revizija finansijskih izvještaja SDU BiH obavlja se prvi put.

5. NALAZI I PREPORUKE

5.1. NALAZI

a) Na osnovu obavljene revizije SDU BiH i izabраниh organizacionih dijelova, utvrđeno je da je stranka kršila odredbe člana 8. Zakona o finansiranju političkih stranaka, odnosno da je primila zabranjene priloge u iznosu 12.942,49 KM.²

- Glavni odbor stranke u 2005. godini je koristio poslovne prostorije u vlasništvu Federacije BiH, bez plaćanja zakupnine. Po tom osnovu SDU BiH je primila zabranjeni prilog u iznosu od 9.942,49 KM
- Političkoj stranci je od strane Općine Centar Sarajevo isplaćen iznos od 3.000,00 KM za nabavku opreme i uređenje prostora, čime je stranka primila zabranjeni prilog u navedenom iznosu

b) Na osnovu obavljene revizije SDU BiH i izabраниh organizacionih dijelova utvrđeno je da je SDU BiH prekršila odredbe člana 11. stav 1., stav 3. i stav 4. Zakona o finansiranju političkih stranaka

- SDU BiH je godišnji finansijski izvještaj Centralnoj izbornoj komisiji podnijela 10.04.2006.godine. Finansijski izvještaj nije sačinjen u skladu sa Pravilnikom o godišnjim finansijskim izvještajima („Službeni glasnik BiH“ broj 10/04), donesenim od strane Centralne izborne komisije BiH.³

² Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke partije

³ U skladu sa članom 11. stav 3. Zakona o finansiranju političkih stranaka, do 31.03.naredne godine političke stranke podnose finansijski izvještaj u formi koju odobri Centralna izborna komisija BiH.

- Godišnji finansijski izvještaj za stranku sačinjen je na bazi podataka o prihodima i rashodima samo Glavnog odbora SDU BiH. U finansijskom izvještaju za 2005. godinu stranka nije prijavila 10 kantonalnih odbora, Brčko distrikt i 76 opštinskih odbora. Izvještaj ne sadrži podatke o prihodima i rashodima za pomenute organizacione dijelove stranke.
- Na obrascu 1-1 (teritorijalna struktura političke stranke) i obrascu 2 (promet transakcijskih računa) iskazana su samo dva transakcijska računa: transakcijski račun Glavnog odbora SDU BiH i transakcijski račun OO SDU BiH Lukavac.
Na osnovu obavljene revizije SDU BiH i izabranih organizacionih dijelova utvrđeno je da nisu prijavljeni transakcijski računi:
 - Račun u Raiffeisen banci broj 1610000036460371, transakcijski račun OO SDU BiH Stari grad Sarajevo
 - Račun u Unikredit Zagrebačkoj banci broj 3385302201662060, transakcijski račun OO SDU BiH Bosanska Krupa
 - Račun u Union banci broj 1020110000035083, transakcijski račun OO SDU BiH Travnik
 - Račun u Union banci broj 1020180000012430, transakcijski račun OO SDU BiH Ilidža
 - Račun u Raiffeisen banci broj 1610000036460274, transakcijski račun OO SDU BiH Vogošća

Osim navedenih nisu prijavljeni transakcijski računi sljedećih opštinskih odbora: OO SDU Hadžići, OO SDU Kladanj, OO SDU Živinice, OO SDU Breza, OO SDU Ilijaš i OO SDU Doboj istok.

- Revizijom je utvrđeno da prihodi iz budžeta iskazani u finansijskom izvještaju stranke (obrazac 3 i obrazac 3-f) ne odgovaraju prihodima iskazanim u poslovnim knjigama (glavnoj knjizi) stranke niti podacima dobijenim od državnih organa o uplaćenim sredstvima SDU BiH u 2005. godini. U finansijskom izvještaju je iskazan prihod iz budžeta u iznosu od 90.139,06 KM, u poslovnim knjigama stranke iskazan je prihod iz budžeta u iznosu 76.928,40 KM po osnovu sredstava koja su iz budžeta uplaćena samo na račun Glavnog odbora, dok je prema podacima državnih organa, stranci SDU BiH isplaćen iznos od 134.671,38 KM.
U finansijskom izvještaju za 2005. godinu nije prijavljen prihod iz budžeta u iznosu od 44.532,32 KM, koji je uplaćen opštinskim odborima: Ilidža, Vogošća, Hadžići, Kladanj, Živinice, Breza, Ilijaš, Doboj istok i Bosanska krupa.
Revizijom je utvrđeno da u poslovnim knjigama Glavnog odbora nije iskazan prihod iz budžeta OO SDU BiH Stari grad Sarajevo u iznosu 3.592,00 KM⁴.
- Tokom vršenja revizije u prostorijama stranke SDU BiH revizorima nije predočena dokumentacija, vezana za blagajničko poslovanje stranke. Osoba ovlaštena za podnošenje finansijskih izvještaja je dala obećanje da će u pisanoj formi dati određene izjave koje su od nje tražene, a odnose se na finansijsko izvještavanje i dokumentaciju koja nije bila dostupna u vrijeme revizije u prostorijama stranke, naknadno dostaviti Službi za reviziju. Obzirom da Centralnoj izbornoj komisiji, odnosno Službi za reviziju nije dostavljena

⁴ Odlukom SDU BiH od 14.04.2005. godine je utvrđeno da se finansijska sredstva SDU BiH koja su stečena na osnovu parlamentarnog statusa OV Stari Grad uplaćuju u omjeru 50% Glavnom odboru SDU BiH i 50% OO SDU BiH Stari Grad Sarajevo. Za period 01.01.-30.04.2005. sredstva iz budžeta općine su uplaćena OO SDU BiH Stari Grad u iznosu 7.184,00 KM, pa je potom 50% tog iznosa (3.592,00 KM) sa općinskog odbora preneseno Glavnom odboru SDU BiH.

tražena dokumentacija, prekršene su odredbe člana 11. stava 4. Zakona o finansiranju političkih stranaka.⁵

- Revizorima je data na uvid nepotpuna finansijska dokumentacija OO SDU BiH Ilidža, uz izjavu da je dokumentaciju otuđila osoba koja je bila zadužena za finansije, prilikom napuštanja stranke.
- U finansijskom izvještaju politička stranka je iskazala prihode od 92.761,52 KM, rashode od 126.832,82 KM i izjavu da stranka nema nikakvih neizmirenih obaveza . Revizijom je utvrđeno da je stranka imala neizmire obaveze. Obaveze stranke na dan 31.12. 2005. godine nisu iskazane u finansijskom izvještaju, iz razloga preobimnosti posla vezanog za popunjavanje obrasca 5. finansijskog izvještaja, kako je izjavila osoba ovlaštena za podnošenje finansijskih izvještaja.

5.2. PREPORUKE :

Na osnovu uočenih nedostataka SDU BIH se preporučuje:

- *Da stranka mora podnositi finansijske izvještaje u skladu sa članom 11. Zakona o finansiranju političkih stranaka:*
 - *treba voditi evidenciju o prihodima i rashodima za sve organizacione dijelove stranke*
 - *finansijski izvještaj treba dostavljati CIK BiH u rokovima propisanim članom 11. stav 3. Zakona*
 - *finansijski izvještaj treba sadržavati podatke utvrđene Zakonom i biti sačinjen u formi propisanoj Pravilnikom o godišnjim finansijskim izvještajima političkih stranaka*
- *Stranka treba postupati u skladu sa odredbama člana 8. Zakona o finansiranju političkih stranaka;*
- *Stranka treba voditi evidenciju o uplatama iz budžeta, kao i da obrazac 3-f (prihodi iz budžeta) popunjava u skladu sa članom 19. Pravilnika o godišnjim finansijskim izvještajima političkih stranaka;*
- *Treba uspostaviti centralni registar članova stranke i urediti sistem naplate članarine;*
- *Treba definisati postupke i procedure vezane za koordinaciju Glavnog odborta sa ostalim organizacionim dijelovima stranke;*
- *Treba definisati postupke i procedure internih kontrola vezane za kontrolu finansiranja političke stranke i trošenja finansijskih sredstava stranke;*
- *Treba uspostaviti uvezan sistem knjigovodstva GO i nižih organizacionih dijelova stranke.*

KOMENTAR:

SDU BIH je poslala odgovor na Preliminarni izvještaj o reviziji godišnjeg finansijskog izvještaja za 2005. godinu 18.05.2007.godine kojim obavještava CIK BiH da će sve preporuke koje su naznačene u izvještaju dosljedno primijeniti u daljem poslovanju.

Hasida Gušić, Šef Službe za reviziju, revizor

Nevenko Andan, revizor

Željko Bakalar, pomoćnik revizora

⁵ U skladu sa članom 11. stav 4. Zakona o finansiranju političkih stranaka sva lica obavezna da podnesu izvještaj, moraju podnijeti i dodatne izvještaje koje Centralna izborna komisija BiH zatraži.